

## DE POND E R I B V S

scribēs, simile esse cornuū dicit, et duos Choas capere, & ideo solis heroibus dari, utpote bibacioribus. Nam & regibus Spartanorum in cōuiuio Cotylas binas dari solitum fuisse, apud Herodotum legi, cum cæteris sola Cotyla daretur. Vnde ostenditur aliquanto parciores uini ueteres fuisse, q̄ nunc nostrates homines sint. Nam & Græca cantio Plauti in Stichō, solos denos Cyathos concedit. Horatius nouem, quoniam tres prohibet supra, rixarum metuens tangere gratia. Interpretes tamen Aristophanis, et Suidas ab hac sententia dissidere uidentur, qui cotylas octo in Attico Choëo esse dixerūt, quasi Athenienses cum in Choënice a cæteris dissentirent, quam alii Choënica dicebāt ipsi Choā appellarent. Quo fit necessario, ut duplicē Choā eos habuisse dicendū sit: alterū, quo in humidis forte utebant, minore: alterū, quo in aridis maiorē, uasculū eī triticeū Choënice angustius nullū ipsi habebant. Amphora quoq; nō eadē Atheniensibus et cæteris Græcis fuit. Quandoquidem Palæmon scribit, nostra amphora Atticā maiorē etiā Vrna fuisse, unde cōsequens est ut Sextarios habeat duos & lxx. sitq; eadē mensura, quā illi Medimnū dicunt, nisi q̄ hæc liquidorū, ille tritici erat. Cæteri Græci,  
utin

Amphora.